

habi auto le spexe dil re, ben che mai salata ni frute non mandava, in 29 mexi ch' è stato, di qual mexi 9 stete con sier Vettor Soranzo, ha spexo da ducati 2900, zoè in li 9 mexi ducati 2500, poi in cavalari ducati 1000 et vinti, in salarj ducati 600, in miedegi ducati 150, et in altre spexe extraordinarie, *in omnibus*, ducati 400, jurando aver speso dil sua ducati 150 in cortesie, et non li mete a conto per non poter. Poi ringratiò di esser stà electo podestà et capetanio in Cao d' Istria, ma si scusò, dicendo credeva non poter andar, à assa' fioli, in questo tempo le cosse sue andadi mal *etc.*; et dimandò perdono si avesse manchado.

Et venuto zoso el principe lo laudò *de more*.

Et è da saper, presentò do letere, qual in collegio fono lete et è queste :

387 *Copia de una letera dil re di Hongaria
a la Signoria nostra.*

Wladislaus, Dei gratia rex Hungariæ et Bohemiæ etc., illustrissimo principi, domino Leonardo Lauredano, duci Venetiarum, amico et confederato nostro carissimo, salutem et prosperorum successuum incrementa.

Quamquam, et ex litteris, quæ hinc toto hoc triennio ad illustrissimam dominationem vestram frequentes venere, et ex ipsarum actarum rerum progressionem successuque, fidem, industriam et diligentiam magnifici Sebastiani Justiniani, equitis auri, oratoris, credimus illustrissimæ dominationi vestræ jam pridem esse notissimam, tamen cum jussu et imperio illustrissimæ dominationis vestræ et illius incliti senatus reversurus sit, prætermittendum nulla ratione putavimus, quin nos quoque perfunctorum laborum suorum summæque modestiæ et integritatis, quibus se per hos totos annos honorificentissime apud nos gessit, debitum testimonium vel his nostris præbeamus. Sic etenim ac tanto studio, vigilantia et dexteritate, per totum hoc tempus, quo hic apud majestatem nostram legationis officio functus est, christianæ et vestræ reipublicæ commodo, unioni ac in turcas expeditioni, tunc et nunc huic privæ nostræ confederationi inservire, et res ipsas tractare studuit, ut a prudente et optimo oratore nihil amplius erat expetendum. Ex cuius prudentia et perfuncto munere non medioeris etiam laus et gloria, omnium judicio, in illustrissimam dominationem vestram et sacrosanctum illum senatum, qui hunc talem et invicti pene ingenii virum, ad huius tam salutiferæ legationis munus obeundum delega-

rit, videtur redundare. Et licet carissima patria benemeritum civem opportune revocaverit, cujus nos, præsentia et consuetudine delectati, diutius etiam frui summopere cupiebamus, tamen, cum non liceat nobis tam honesto tamque pio desiderio refragari, post tot vigilias et curas illi merito respirandum putantes, nos quoque eundem cum magna nostra benivolentia remisimus, itaque ipsum toto animi affectu illustrissimæ dominationi vestræ commendamus. Vir est profecto omni laude, vir quolibet honore, vir quavis beneficentia, et munere dignissimus. Qui, si nostra gratia et commendatione, tum suadente virtute, ab illustrissima dominatione vestra et universo illo senatu ornatus fuerit, rem nobilissimo duce et gratissimo senatu dignam faciet, et magnum profecto ac præclarum invitamentum cæteris ad similia pro patria obeunda præstabit. Nobis vero id adeo 387
gratum accidet quantum gratum esse solet, quod dominationi vestræ illustrissimæ et illi inclito senatui ad sempiternam laudem et gloriam fore existimatur. Eandem dominationem vestram illustrissimam bene ac feliciter valere semper optamus.

Data Budæ, 24 februarii, anno domini 1503, regnorum nostrorum Hungariæ etc. anno XIII.^{mo}, Bohemiæ vero XXXIII.^{mo}.

Subscriptio: Commissio propriæ regię majestatis
G. Secretarius.

A tergo: Illustrissimo principi, domino Leonardo Lauredano, duci Venetiarum, amico et confederato nostro carissimo.

Copia di la letera dil cardinal ystrigoniense.

Illustrissime princeps et domine, domine mi cõlendissime, humillimæ commendationes etc.

Non prætermitterem crebrius scribere illustrissimæ dominationi vestræ, nisi ei firmiter persuasum existimarem, eo me animo affici et deberi huic illustrissimo senatui vestro, quo plurimum debet et afficitur, qui pro maximis beneficiis acceptis, est ad singula pro virili sua paratissimus. Plene enim novit et intellexit dominus Sebastianus Justinianus, eques et orator integerrimus, quam libentissime operam meam exhibuerim, quoties pro voto illustrissimi Domini aliquid commode agere potui, tum in fœdere percutiendo, ac expeditione obeunda, tum in pace et pacis conditionibus conficiendis. In quibus omnibus, quam prudenter ac integre se gesserit idem dominus orator, non possem nisi longis litteris